

全上古三代秦漢三國六朝文

全漢文卷四

烏程嚴可均校輯

武帝二

增太室祠詔元封元年正月

朕用事華山至于中嶽獲駁廬見夏后啟母石翌日親登嵩高御史乘屬在廟旁吏卒咸聞呼萬歲者三登禮罔不答其令祠官加增太室祠禁無伐其草木已山下戶三百爲之奉邑名曰崇高獨

給祠復亡所與漢書武紀

改元大赦詔元封元年四月

制詔御史朕曰眇眇之身承至尊兢兢焉懼不任維德菲薄不明于禮樂修祠大一若有象景光肩如有望此三語漢書作故用事

景象肩然震于怪物欲止不敢遂登封泰山至于梁父而後禪肅

然自新嘉與士大夫更始此下漢書有其已賜民百戶牛一酒十

后加年八十孤寡布帛二匹復博奉高蛇丘歷城無出今年租稅

其大赦天下如乙卯赦令行有過母有復作事在二年前皆勿聽

治

史記封禪書又諸補武紀作依  
依震于怪物又略見漢書武紀

令諸侯治邸泰山山下詔元封元年四月

古者天子五載一巡狩用事泰山諸侯有朝宿地其令諸侯各治

邸泰山山下

漢書郊  
祀志上

與奉車子侯家詔

春時于侯于北館與家別初學記十八離別門

帝與子侯家語云道士皆言子侯仙去不足悲史記封禪書案  
歷代帝王本紀

集

巡邊詔元封元年十月

南越東甌咸伏其辜西蠻北夷頗未輯睦朕將巡邊垂擇兵振旅

躬秉武節置十二部將軍親帥師焉漢書  
武紀

遷東越民詔

元封元年冬

東越險阻反覆為後世患遷其民于江淮間

漢書武紀

產芝赦詔

元封二年六月

甘泉宮內中產芝九莖連葉上帝博臨不異下房賜朕弘休其赦

天下賜雲陽都百戶牛酒

漢書武紀

尊祠靈星詔

元封二年夏

天旱意乾封乎其令天下尊祠靈星焉

漢書郊祀志下

祠后土詔

元封四年三月

朕躬祭后土地祇見光集于靈壇一夜三燭幸中都宮殿上見光

其赦汾陰夏陽中都死罪已下賜三縣及楊氏皆無出今年租賦

漢書武紀

增封泰山詔

元封五年四月

朕巡荆揚輯江淮物會大海氣以合泰山上天見象增修封禪其

赦天下所幸縣毋出今年租賦賜鰥寡孤獨帛貧窮者粟

漢書武紀

求賢詔

元封五年四月

蓋有非常之功必待非常之人故馬或奔蹏而致千里士或有負俗之累而立功名夫泛駕之馬跡弛之士亦在御之而已其令州郡察吏民有茂材異等可爲將相及使絕國者

漢書武紀

禮首山祠后土詔

元封六年三月

朕禮首山昆田出珍物化或爲黃金祭后土神光三燭其赦汾陰殊死已下賜天下貧民布帛人一匹

漢書武紀

定禮儀詔

元封七年即太初元年

制詔御史蓋受命而王各有所由興殊路而同歸謂因民而作追俗爲制也議者咸稱太古百姓何望漢亦一家之事典法不傳謂子孫何化隆者閭閻治淺者徧狹可不勉與

史記禮書

詔兒寬

元封七年

與博士共議今宜何已為正朔服色何上

漢書律曆志上

定正朔改元太初詔

太初元年

乃者有司言星度之未定也廣延宣問召理星度未能詹也蓋聞昔者黃帝合而不死名察度驗定清濁起五部建氣物分數然蓋尚矣書缺樂弛朕甚閔焉朕唯未能循明也紬績日分率應水德之勝今日順夏至黃鍾為宮林鍾為徵太簇為商南呂為羽姑洗為角自是已後氣復正羽聲復清名復正變已至子日當冬至則陰陽離合之道行焉十一月甲子朔旦冬至已詹其更已七年為太初元年年名焉逢攝提格月名畢聚日得甲子夜半朔旦冬至

史記曆書又略見漢書律曆志上

幸河東詔

太初二年四月

朕用事介山祭后土皆有光應其赦汾陰安邑殊死已下

漢書武紀

封李廣利為海西侯詔

太初四年

匈奴爲害久矣。今雖徙幕北，與旁國謀，共要絕大月支，使遮殺中郎將江、故雁門守攘危須、已西及大宛，皆合約殺期門、車令、中郎將朝及身毒國，死隔東西道。貳師將軍廣利征討厥罪，伐勝大宛，賴天之靈，從沂河山，涉流沙，通西海，山雪不積，士大夫徑度，獲王首虜珍怪之物，畢陳于闕，其封廣利爲海西侯，食邑八千戶。

漢書李廣傳

擊匈奴詔

太初四年

高皇帝遺朕平城之憂。高后時，單于書絕悖逆。昔齊襄公復九世之讎，春秋大之。

漢書匈奴傳

詔路博德

天漢二年

疆弩都尉路博德將兵半道迎陵軍。

漢書李陵傳

吾欲予李陵騎，云欲已少擊眾。今虜入西河，其引兵走西河，遮鈎營之道。

同上

詔李陵

天漢二年

己九月發出遮虞障至東浚稽山南龍勒水上徘徊觀虞即無所見從浞野侯趙破奴故道抵受降城休士因騎置已聞所與博德言者云何具曰書對

漢書李陵傳

詔關都尉

天漢二年十一月

今豪傑多遠交依東方羣盜其謹察出入者

漢書武紀

改鑄黃金詔

太始二年三月

有司議曰往者朕郊見上帝西登隴首獲白麟已饋宗廟渥洼水出天馬泰山見黃金宜改故名今更黃金爲麟趾裏臠已協瑞焉

漢書武紀

己劉屈氂爲左丞相詔

征和二年春

制詔御史故丞相賀倚舊故乘高執而爲邪興美田己利子弟賓客不顧元元無益邊穀貨賂上流朕忍之久矣終不自革迺已邊



爲援使內郡自省作車又令耕者自轉已困農煩擾畜者重馬傷耗武備衰減下吏妄賦百姓流亡又詐爲詔書已姦傳朱安世獄已正于理其已涿郡太守屈鼂爲左丞相分丞相長史爲兩府已待天下遠方之選夫親親任賢周唐之道也已澎戶二千二百封左丞相爲澎侯

漢書劉屈氂傳

封李壽張富昌詔

征和二年八月

益行疑賞所已申信也其封李壽爲邗侯張富昌爲題侯

漢書侯太子傳

已劉去爲廣川王詔

征和二年

廣川惠王于朕爲兄朕不忍絕其宗廟其已惠王孫去爲廣川王

漢書景十三王傳

報桑弘羊等請屯田輪臺詔

征和四年案後漢書注作元年非

前有司奏欲益民賦三十助邊用是重困老弱孤獨也而今又請遣卒田輪臺輪臺西千車師千餘里前開陵侯擊車師時危須尉

犁樓蘭六國子弟在京師者皆先歸發畜食迎漢軍又自發兵凡數萬人王各自將共圍車師降其王諸國兵便罷力不能復至道上食漢軍漢軍破城食至多然士自載不足已竟師彊者盡食畜產羸者道死數千人朕發酒泉驢橐駝負食出玉門迎軍吏卒起張掖不甚遠然尚廝畱甚眾曩者朕之不明已軍候弘上書言匈奴縛馬前後足置城下馳言秦人我匈奴若馬又漢使者久畱不還故興師遣貳師將軍欲已爲使者威重也古者卿大夫與謀參已蓍龜不吉不行迺者已縛馬書徧視丞相御史二千石諸大夫郎爲文學者迺至郡屬國都尉成忠趙破奴等皆曰虜自縛其馬不祥甚哉或已爲欲已見彊夫不足者視人有餘易之卦得大過爻在九五匈奴困敗公車方士太史治星望氣及太卜龜蓍皆已爲吉匈奴必破時不可再得也又曰北伐行將于朮山必克卦諸將貳師最吉故朕親發貳師下朮山詔之必毋深入今計謀卦兆皆

反繆重合侯得虜候者言聞漢軍當來匈奴使巫埋羊牛所出諸道及水上已詛軍單于遣天子馬裘常使巫祝之縛馬者詛軍事也又卜漢軍一將不吉匈奴常言漢極大然不能飢渴失一狼走千羊迺者貳師敗軍士死略離散悲痛常在朕心今請遠田輪臺欲起亭隧是擾勞天下非所已優民也今朕不忍聞大鴻臚等又議欲募囚徒送匈奴使者明封侯之賞已報忿五伯所弗能爲也且匈奴得漢降者常提掖搜索問已所聞今邊塞未正闌出不禁障候長吏使卒獵獸已皮肉爲利卒苦而燧火乏失亦上集不得後降者來若捕生口虜迺知之當今務在禁苛暴止擅賦力本農修馬復令已補缺毋乏武備而已郡國二千石各上進畜馬方略補邊狀與計對

漢書西域下渠犂城傳搜粟都尉桑弘羊與丞相

復出軍又略見

後漢樊準傳注

赦詔

後元元年二月

朕郊見上帝巡于北邊見羣鶴畱止已不羅罔靡所獲獻薦于泰

時光景竝見其赦天下

漢書  
武紀

力農詔

武帝末

方今之務在于力農已趙過爲搜粟都尉

漢書食貨志

益封衛青

元朔二年

已下十四首皆不云詔

匈奴逆天理亂人倫暴長虐老已盜竊爲務行詐諸蠻夷造謀籍  
兵數爲邊害故興師遣將已征厥罪詩不云乎薄伐獫狁至于太  
原出車彭彭城彼朔方今車騎將軍青度西河至高關獲首二千  
三百級車輜畜產畢收爲鹵已封爲列侯遂西定河南地案榆谿  
舊塞絕梓領梁北河計蒲泥破符離斬輕銳之卒捕伏聽者三千

一十七級

執訊獲醜毆馬牛羊百有餘萬全甲兵而還益封青三

千八百戶

漢書衛青傳

又益封衛青

元朔五年

大將軍青躬率戎士師大捷獲匈奴王十有餘人益封青八千七

百戶

同上

削梁王地

元朔中

首惡失道任后也朕置相吏不逮無已輔王故陷不誼不忍致法

削梁王五縣奪王太后湯沐成陽邑梟任后首于市

漢書梁平王襄傳

封霍去病等

元朔六年五月

票姚校尉去病斬首捕虜二千二十八級得相國當戶斬單于大

父行藉若侯產生捕季父羅姑比再冠軍已二千五百戶封去病

為冠軍侯上谷太守郝賢四從大將軍捕斬首虜千三百級已千

一百戶封賢為終利侯騎士孟已有功賜爵關內侯邑二百戶

史記

衛青霍去病傳

議后土祀

元狩二年

今上帝朕親郊而后土無祀則禮不答也

史記封禪書漢書郊祀志上

益封霍去病

元狩二年春

票騎將軍率戎士隴烏盤討遼濮涉狐奴歷五王國輜重人眾攝  
驚者弗取幾獲單于子轉戰六日過焉支山千有餘里合短兵塵  
泉蘭下殺折蘭王斬盧侯王銳悍者誅全甲獲醜執渾邪王子及  
相國都尉捷首虜八千九百六十級收休屠祭天金人師率減什

七益封去病二千二百戶

漢書霍去病傳又史記衛霍傳少十餘字

又益封霍去病

元狩二年夏

票騎將軍涉鈞耆濟居延遂臻小月氏攻祁連山揚武乎鱗得得  
單于單桓酋涂王及相國都尉已眾降下者二千五百人可謂能  
舍服知成而止矣捷首虜三萬二百獲五王王母單于闕氏王子  
五十九人相國將軍當戶都尉六十三人師大率減什三益封去  
病五千四百戶賜校尉從至小月氏者爵左庶長鷹擊司馬破奴  
再從票騎將軍斬遼濮王捕稽且王右千騎將王王母各一人王

子已下四十一人捕虜三千三百三十人前行捕虜千四百人已  
千五百戶封破奴爲從票侯校尉句王高不識從票騎將軍捕呼  
于耆王王子已下十一人捕虜千七百六十八人已千一百戶封  
不識爲宜冠侯校尉僕多有功封爲輝渠侯

漢書霍去病傳又  
略見史記衛霍傳

渾邪王降益封霍去病

元狩二年秋

驃騎將軍去病率師攻匈奴西域王渾邪王及厥眾萌咸相犇率  
已軍糧接食并將控弦萬有餘人誅獫狁獲首虜八千餘級降異  
國之王三十二人戰士不離傷十萬之眾咸懷集服仍與之勞爰  
及河塞庶幾無患幸旣永綏矣已千七百戶益封驃騎將軍減隴  
西北地上郡戍卒之半已寬天下之繇

史記衛霍傳又漢書霍去  
病傳少幸旣永綏矣一語

益封霍去病

元狩四年

驃騎將軍去病率師躬將所獲輦粥之士約輕齎絕大漠涉獲單  
于章渠已誅比車耆轉擊左大將斬獲旗鼓歷涉離侯

漢書作歷  
度難侯

齊弓閭獲屯頭王韓王等三人將軍相國當戶都尉八十三人封狼居胥山禪于姑衍登臨翰海執鹵獲醜七萬有四百四十三級師率減什三取食于敵遠行殊遠而糧不絕已五千八百戶益封驃騎將軍右北平太守路博德屬驃騎將軍會與城不失期從至橋余山斬首捕虜二千七百級已千六百戶封博德爲符離侯北地都尉邢山從驃騎將軍獲王已千二百戶封山爲義陽侯故歸義侯因淳王復陸支樓專王伊卽軒皆從驃騎將軍有功已千三百戶封復陸支爲杜侯伊卽軒爲眾利侯從驃侯破奴昌武侯安稽從驃騎有功益封各三百戶漁陽太守解校尉敢皆獲鼓旗賜爵關內侯解食邑三百戶敢二百戶校尉自爲爵大庶長

史記衛霍傳漢

書霍去病傳

得寶鼎

元鼎四年六月

閒者河溢歲數不登故巡祭后土祈爲百姓育穀今年豐稌未報



鼎曷為出哉

漢書郊祀志上

朕巡祭后土祈為百姓蒙豐年今穀暵未報鼎焉為出哉博問耆

老意舊臧與

漢書郊祀志下張敞上舊臧議引

封韓千秋子等

元鼎五年

韓千秋雖亡成功亦軍鋒之冠封其子延年為成安侯摎樂其姊

為王太后首願屬漢封其子廣德為襲侯

漢書南粵傳

議郊祀樂

民間祠有鼓舞樂今郊祀而無樂豈稱乎

漢書郊祀志上其春既減南越下公卿議

使公孫

孫遂往朝鮮

元封二年

將率不能前乃使衛山諭降右渠不能顯決與左將軍相誤卒沮

約今兩將圍城又乖異已故久不決使故濟南太守公孫遂往正

之有便宜得已從事

漢書朝鮮傳

封莽通等

征和二年秋

侍郎莽通獲反將如侯長安男子景建從通獲少傅石德可謂元功矣大鴻臚商丘成力戰獲反將張光其封通為重合侯建為德侯成為柁侯

漢書劉屈氂傳

冊書答公孫弘

元光五年

問弘稱周公之治弘之材能自視孰與周公賢

漢書公孫弘傳

策廢陳皇后

元光五年七月

皇后失序惑于誣視不可已承天命其上璽綬罷退居長門宮

漢書

外戚傳

策封齊王閔

元狩六年

維六年

漢書作惟元狩六年

四月乙巳皇帝使御史大夫湯廟立子閔為齊

王曰於戲小子閔受茲青社朕承祖考

漢書作天序

維稽古建爾國家

封于東土世為漢藩輔於戲念哉恭朕之詔惟命不于常人之好德克明顯光義之不圖俾君子怠悉爾心允執其中天祿永終厥

有憊不臧乃凶于而國害于爾躬於戲保國艾民可不敬與王其

戒之史記三王世家漢書武五子傳

策封燕王旦元狩六年

維六年四月乙巳皇帝使御史大夫湯廟立子旦為燕王曰於戲

小子旦受茲立社朕承祖考維稽古建爾國家封于北土世為漢

藩輔於戲鞏粥氏虐老獸心侵犯寇盜加曰姦巧邊萌於戲朕命

將率徂征厥罪萬夫長千夫長三十有二君漢書作帥皆來降旗奔師

鞏粥徙域北州曰綏悉爾心毋作怨毋肥德漢書作母母乃廢備

非教士不得從徵於戲保國艾民可不敬與王其戒之同上漢書武五子傳

有刪

策封廣陵王胥元狩六年

維六年四月乙巳皇帝使御史大夫湯廟立子胥為廣陵王曰於

戲小子胥受茲赤社朕承祖考維稽古建爾國家封于南土世為

職

漢藩輔古人有言曰大江之南五湖之間其人輕心揚州保疆三代要服不及曰政漢書作正於戲悉爾心戰戰兢兢乃惠乃順母伺漢書奸佚毋邇宵人維法維則書云臣不作威不作福靡有後羞於戲保國艾民可不敬與王其戒之同上漢書武五子傳有刪節

敕責楊僕書

元鼎六年秋

將軍之功獨有先破石門尋陘非有斬將奪旗之實也烏足曰驕人哉前破番禺捕降者曰爲虜掘死人曰爲獲是一過也建德呂嘉逆罪不容于天下將軍擁精兵不窮追超然曰東越爲援是二過也士卒暴露連歲爲朝會不置酒將軍不念其勤勞而造佞巧請乘傳行塞因用歸家懷銀黃垂三組夸鄉里是三過也失期內顧曰道惡爲解失尊尊之序是四過也欲請蜀刀問君賈幾何對曰率數百武庫日出兵而陽不知挾僞干君是五過也受詔不至蘭池宮明日又不對假令將軍之吏問之不對令之不從其罪何

如推此心已在外、江海之間可得信乎、今東越深入、將軍能率眾

已掩過不、漢書酷吏楊僕傳

賜嚴助書

制詔會稽太守、君厭承明之廬、勞侍從之事、懷故土、出為郡吏、會

稽東接于海、南近諸越、北枕大江、間者闕焉、久不聞問、具已春秋

對母已蘇秦縱橫、漢書嚴助傳

詔賜吾丘壽王璽書、元朔初

子在朕前之時、知略輻湊、已為天下少雙、海內寡二、及至連十餘

城之守、任四千石之重、職事竝廢、盜賊從橫、甚不稱在前時、何也、

漢書吾丘壽王傳

賜丞相劉屈氂璽書、征和二年秋

捕斬反者、自有賞罰、已牛車為轎、母接短兵、多殺傷士眾、堅閉城

門、母令反者得出、漢書劉屈氂傳

報李廣

元初二年 案水經注作詔李廣

將軍者國之爪牙也。司馬法曰：登車不式，遭喪不服，振旅撫師，已征不服，率三軍之心，同戰士之力，故怒形則千里竦，威振則萬物伏。是已名聲暴于夷貉，威稜憚乎鄰國。夫報忿除害，損殘去殺，朕之所圖于將軍也。若迺免冠徒跣，稽顙請罪，豈朕之指哉？將軍其率師東轅，弭節白檀，已臨右北平。盛秋，漢書李廣傳又略見水經濡水注

報公孫弘

元狩元年

古者賞有功，褒有德，守成上文，遭遇右武。未有易此者也。朕夙夜庶幾，獲承至尊，懼不能寧，惟所與共。爲治者，君宜知之。蓋君子善善及後世，若茲行常，在朕躬，君不幸罹霜露之疾，何恙不已？乃上書歸侯，乞骸骨，是章朕之不德也。今事少閒，君其存精神，止念慮，輔助醫藥，已自持。漢書公孫弘傳

報石慶

元封四年

間者河水滔陸、泛濫十餘郡、隄防勤勞、弗能墮塞、朕甚憂之、是故  
巡方州、禮嵩嶽、通八神、已合宣房、濟淮江、歷山濱海、問百年民所  
疾苦、惟吏多私、徵求無已、去者便、居者擾、故爲流民法、已禁重賦、  
乃者封泰山、皇天嘉況、神物竝見、朕方答瑞應、未能承意、是已切  
比閭里、知吏姦邪、委任有司、然則官曠民愁、盜賊公行、往年觀明  
堂、赦殊死、無禁錮、咸自新、與更始、今流民愈多、計文不改、君不繩  
責、長吏而請、已興徙四十萬口、搖蕩百姓、孤兒幼年、未滿十歲、無  
罪而坐、率朕失望焉、今君上書言倉庫城郭不充實、民多貧、盜賊  
眾、請入粟爲庶人、夫懷知民貧而請益賦、動危之而辭位、欲安歸  
難乎、君其反室、漢書石奮傳

報齊人延年

太始中

延年計議甚深、然河迺大禹之所道也、聖人作事、爲萬世功、通于  
神明、恐難改更、漢書溝洫志齊人延年上書言開大河上領出之胡中、東注之海、書奏上壯之、報云云、

報樓蘭國請立質子 征和元年

侍子天子愛之不能遣其更立其次當立者

漢書西域傳樓蘭王死國人來請質子在

漢者欲立之質子常坐漢法下驪室宮刑故不遣報云云

報車千秋 征和四年冬

朕之不德自左丞相與貳師陰謀逆亂巫蠱之禍流及士大夫朕日一食者累月迺何樂之聽痛士大夫常在心既事不咎雖然巫蠱始發詔丞相御史督二千石求捕廷尉治未聞九卿廷尉有所鞫也曩者江充先治甘泉宮人轉至未央椒房已及敬聲之疇李禹之屬謀入匈奴有司無所發今丞相親掘蘭臺蠱驗所明知也至今餘巫頗脫不止陰賊侵身遠近爲蠱朕媿之甚何壽之有敬不舉君之觴謹謝丞相二千石各就館書曰母偏母黨王道蕩蕩母有後言

漢書車千秋傳

臨北河遣使者告單于 元封元年十月



南越王頭已縣于漢北闕下、今單于即能前與漢戰、天子自將兵待邊、即不能、亟南面而臣于漢、何但遠走亡匿于幕北寒苦無水

草之地為

漢書匈奴傳又見武紀有剛節

責問暴勝之

征和二年秋

司直縱反者、丞相斬之法也、大夫何已擅止之

漢書劉屈氂傳司直田仁部開城門

坐令太子得出丞相欲斬仁御史大夫暴勝之曰當先請丞相釋仁上聞而大怒下吏責問御史大夫勝之皇恐自殺

沈命法

羣盜起不發覺發覺而弗捕滿品者二千石已下至小吏主者皆

死

漢書咸宣傳于是作沈命法應劭曰沈沒也敢蔽賢盜賊者沒其命也

建元鼎文

建元元年

定天下萬物伏

鼎錄

祀太室牛鼎文

有漢建元三年八月作牛鼎祀太室銘曰

惟甲午丙寅帝若稽古肇作宗器審厥象作牛鼎格于位室從用

饗億靈神休惟帝時保萬世其永賴西湖游覽志宋紹興二十年賜臨安宣壽觀古器其一漢

鼎高尺有九寸兩耳旁出曲上三尺牛首識云

泰山鼎文太始四年

登于泰山萬壽無疆四海靈謚神鼎傳芳鼎錄

泰山刻石文

事天已禮立身已義事父已孝成民已仁四海之內莫不為郡縣

四夷八蠻咸來貢職與天無極人民蕃息天祿永得續漢祭祀志上注引風俗

通

賜進士出身二品銜廣東等處提刑按察使司按察使兼管驛傳事務黃岡王毓藻校刊

全漢文卷五

烏程嚴可均校輯

昭帝

帝諱弗陵武帝少子後元二年二月立爲皇太子卽位改元三  
始元元鳳元平在位十三年諡曰孝昭皇帝

免田租詔

始元二年八月

往年災害多今年蠶麥傷所振貸種食勿收責毋令民出今年田

租

漢書昭紀

止出馬詔

始元四年七月

比歲不登民匱于食流庸未盡還往時令民共出馬其止勿出諸

給中都官者且減之

漢書昭紀

舉賢良文學詔

始元五年六月

朕眇身獲保宗廟戰戰栗栗夙興夜寐修古帝王之事通保傳

全漢文卷五 昭帝

傳孝經論語尚書未云有明其令三輔太常舉賢良各二人郡國

文學高第各一人賜中二千石以下至吏民爵各有差

漢書昭紀

立母波爲鉤町王詔 始元六年七月

鉤町侯母波率其君長人民擊反者斬首捕虜有功其立母波爲

鉤町王大鴻臚廣明將率有功賜爵關內侯食邑

漢書昭紀

賜韓福等詔 元鳳元年三月

朕閔勞已官職之事其務修孝弟已敎鄉里行道舍傳舍縣次具

酒肉食從者及馬長吏已時存問常以歲八月賜羊一頭酒二斛

不幸死者賜複衾一祠以中牢

漢書韓勝傳昭帝時深郡韓福已德行徵至京師賜策書束帛遣歸

詔云云又見昭紀有剛節歲八月作正月復食一作衣被一襲

賞誅上官桀等功詔 元鳳元年十月

左將軍安陽侯桀驃騎將軍桑落侯安御史大夫桑弘羊皆數以

邪枉干輔政大將軍不聽而懷怨望與燕王通謀置驛往來相約

結燕王遣壽西長孫縱之等賂遣長公主丁外人謁者杜延年大將軍長史公孫遺等交通私書共謀令長公主置酒伏兵殺大將軍光徵立燕王爲天子大逆毋道故相田使者燕倉先發覺已告大司農敞敞告諫大夫延年延年已聞丞相徵事任宮手捕斬桀丞相少史王壽誘將安入府門皆已伏誅吏民得已安封延年倉宮壽皆爲列侯

漢書昭紀

赦燕太子等詔

元鳳元年十月

燕王迷惑失道前與齊王子劉澤等爲逆抑而不揚望王反道自新今迺與長公主左將軍桀等謀危宗廟王及公主皆自伏辜其赦王太子建公主子文信及宗室子與燕王上宮桀等謀反父母同產當坐者皆免爲庶人其吏爲桀等所誣誤未發覺在吏者除其罪

漢書昭紀

免今年馬口錢詔

元鳳二年六月

朕閔百姓未贍前年減漕三百萬石頗省乘輿馬及苑馬已補邊郡三輔傳馬其令郡國毋斂今年馬口錢三輔太常郡得已叔粟

當賦

漢書昭紀

免明年漕詔

元鳳三年正月

迺者民被水災頗匱于食朕虛倉廩使使者振困乏其止四年毋

漕三年已前所振貸非丞相御史所請邊郡受牛者勿收責

漢書昭紀

封范明友爲平陵侯詔

元鳳四年四月

度遼將軍明友前已羌騎校尉將羌王侯君長已下擊益州反虜後復率擊武都反氏今破烏桓斬虜獲生有功其封明友爲平陵

侯

漢書昭紀

封傅介子爲義陽侯詔

元鳳四年四月

樓蘭王安歸常爲匈奴間侯遮漢使者發兵殺略衛司馬安樂光祿大夫忠期門郎遂成等三輩及安息大宛使盜取節印獻物甚

逆天理平樂監傅介子持節使誅斬樓蘭王安歸首縣之北闕已直報怨不煩師眾其封介子爲義陽侯食邑七百戶士刺王者皆

補侍郎

漢書傅介子傳

以叔粟當賦詔

元鳳六年夏

夫穀賤傷農今三輔太常穀減賤其令已叔粟當今年賦

漢書昭紀

封張安世爲富平侯詔

元鳳六年

右將軍光祿勳安世輔政宿衛肅敬不怠十有三年咸已康寧夫

親親任賢唐虞之道也其封安世爲富平侯

漢書張安世傳

減口賦錢詔

元平元年二月

天下已農桑爲本日者省用罷不急官減外繇耕桑者益眾而百

姓未能家給朕甚愍焉其減口賦錢

漢書昭紀

賜燕王旦璽書

元鳳元年

昔高皇帝王天下建立子弟已藩屏社稷先日諸呂陰謀大逆劉



氏不絕若髮賴絳侯等誅討賊亂尊立孝文已安宗廟非已中外  
有人表裏相應故邪樊鄴曹灌攜劍推鋒從高皇帝懇舊除害耘  
鉏海內當此之時頭如蓬葆勤苦至矣然其賞不過封侯今宗室  
子孫曾無暴衣露冠之勞裂地而王之分財而賜之父死子繼兄  
終弟及今王骨肉至親敵吾一體迺與他姓異族謀害社稷親其  
所疏疏其所親有逆悖之心無忠愛之義如使古人有知當何面  
目復奉齊酎見高祖之廟乎

漢書武  
五子傳

藍田覆車山鼎文

元平元年

宜君王和四方調滋味去腥傷

鼎錄

宣帝

帝諱詢字次卿本名病已戾太子孫元平元年霍光廢昌邑王  
迎封陽武侯尋卽位改元七本始地節元康神爵五鳳甘露黃  
龍在位二十五年諡曰孝宣皇帝廟號中宗

議罰廣州王去制

本始三年

朕不忍致王于理議其罰

漢書景十三王傳

益封霍光詔

本始元年正月

夫褒有德賞元功古今通誼也大司馬大將軍光宿衛忠正宣德明恩守節秉誼已安宗廟其已河北東武陽益封光萬七千戶

霍光傳

益封張安世詔

本始元年正月

夫褒有德賞有功古今之通誼也車騎將軍光祿勳富平侯安世宿衛忠正宣德明恩勤勞國家守職秉義已安宗廟其益封萬六百戶功次大將軍光

漢書張安世傳案此與益封霍光祇是一詔史家分載于兩傳互有刪節耳

封賜功臣詔

故丞相安平侯敞等楊敞居職守位與大將軍光車騎將軍安世建議定策已安宗廟功賞未加而薨其益封敞嗣子忠及丞相陽平

侯義義蔡度遼將軍平陵侯明友范明前將軍龍雒侯增韓太僕建

平侯延年杜延太常蒲侯昌蘇諫大夫宜春侯譚王當塗侯平或

聖杜侯屠耆堂復陸屠耆堂長信少府關内侯勝夏侯勝邑戶各有差封

御史大夫廣明為昌水侯田廣後將軍充國為營平侯趙充國大司

農延年為陽城侯田延年少府樂成為爰氏侯史樂光祿大夫遷為

平丘侯王遷賜右扶風德周德典屬國武蘇武廷尉光李光宗正德劉德大鴻

臚賢韋賢詹事宋光祿大夫吉兩京輔都尉廣漢爵皆關内

侯德武食邑漢書宣紀

議戾太子廟諡詔本始元年六月

故皇太子在湖未有號諡歲時祠其議諡置園邑漢書宣紀又見武五子傳

議武帝廟樂詔本始二年五月

朕曰眇身奉承祖宗夙夜惟念孝武皇帝躬履仁義選明將討不

服匈奴遠遁平氏羌昆明南越百蠻鄉風款塞來享建太學修郊

祀定正朔協音律封泰山塞宣房符瑞應寶鼎出白麟獲功德茂

盛不能盡宣而廟樂未稱其議奏

漢書宣紀

朕已眇身蒙遺德承聖業奉宗廟夙夜惟念孝武皇帝躬仁誼厲威武北征匈奴單于遠遁南平氐羌昆明甌駱兩越東定歲駱朝鮮廓地斥境立郡縣百蠻率服款塞自至珍貢陳于宗廟協音律造樂歌薦上帝封太山立明堂改正朔易服色明開聖緒尊賢顯功興滅繼絕衰周之後備天地之禮廣道術之路上天報況符瑞並應寶鼎出白麟獲海效鉅魚神人並見山稱萬歲功德茂盛不能盡宣而廟樂未稱朕甚悼焉其與列侯二千石博士議

漢書夏侯勝傳

宣帝初即位欲廢先帝詔丞相御史案此詔視本紀更詳而未可合併故兩載之

振貸貧民詔

本始四年正月

蓋聞農者興德之本也今歲不登已遣使者振貸困乏其令太官損膳省宰樂府減樂人使歸就農業丞相曰下至都官令丞上書

入穀輸長安倉助貸貧民民已車船載穀入關者得毋用傳漢書宣紀

地震詔

本始四年四月

蓋災異者天地之戒也朕承洪業奉宗廟託于士民之上未能和羣生迺者地震北海琅邪壞祖宗廟朕甚懼焉丞相御史其與列侯中二千石博問經學之士有已應變輔朕之不逮母有所諱令三輔太常內郡國舉賢良方正各一人律令有可蠲除已安百姓條奏被地震壞敗甚者勿收租賦漢書宣紀又見夏侯勝傳

復宗室屬籍詔

地節元年

蓋聞堯親九族已和萬國朕蒙遺德奉承聖業惟念宗室屬未盡而已罪絕若有賢材改行勸善其復屬使得自新漢書宣紀

霍光薨下詔

地節二年三月

故大司馬大將軍博陸侯宿衛孝武皇帝三十有餘年輔孝昭皇帝十有餘年遭大難躬秉誼率三公諸侯九卿大夫定萬世策已

安宗廟

霍光傳作社稷

天下蒸庶咸已康寧功德茂盛朕甚嘉之復其後

世疇其爵邑世世母有所與功如蕭相國

漢書宣紀又見霍光傳

賜王成爵秩詔

地節三年三月

蓋聞有功不賞有罪不誅雖唐虞猶不能已化天下今膠東相成

勞來不怠流民自占八萬餘口治有異等之效其秩成中二千石

賜爵關內侯

漢書宣紀又見循吏王成傳

詔二千石

地節三年三月

鰥寡孤獨高年貧困之民朕所憐也前下詔假公田貸種食其加

賜鰥寡孤獨高年帛二千石嚴敎吏謹視遇毋令失職令內郡國

舉賢良方正可親民者

漢書宣紀

封霍雲爲冠陽侯

宣成侯光宿衛忠正勤勞國家善善及後世其封光兄孫中郎將

雲爲冠陽侯

漢書霍光傳

地震詔 地節三年十月

迺者九月壬申地震朕甚懼焉有能箴朕過失及賢良方正直言極諫之士曰匡朕之不逮毋諱有司朕既不德不能附遠是曰邊境屯戍未息今復飭兵重屯久勞百姓非所已綏天下也其罷車騎將軍右將軍屯兵

漢書宣紀

池築未御幸者假與貧民郡國宮館勿復修治流民還歸者假公田貸種食且勿算事

漢書宣紀

舉孝弟詔 地節三年十一月

朕既不逮導民不明反側晨興念慮萬方不忘元元惟恐毒先帝聖德故並舉賢良方正曰親萬姓歷載臻茲然而俗化闕焉傳曰孝弟也者其爲仁之本與其令郡國舉孝弟有行義聞于鄉里者

各一人

漢書宣紀

置廷平詔

地節三年十二月

聞者吏用法巧文寢深是朕之不德也夫決獄不當使有罪與邪不辜蒙戮父子悲恨朕甚傷之今遣廷史與郡鞠獄任輕祿薄其爲置廷平秩六百石員四人其務平之已稱朕意漢書刑法志

喪不繇詔

地節四年二月

導民曰孝則天下順今百姓或遭衰經凶災而吏繇事使不得葬傷孝子之心朕甚憐之自今諸有大父母父母喪者勿繇事使得收斂送終盡其子道漢書宣紀宋書禮志二

子匿父母等罪勿坐詔地節四年五月

父子之親夫婦之道天性也雖有患禍猶蒙死而存之誠愛結于心仁厚之至也豈能違之哉自今子首匿父母妻匿夫孫匿大父母皆勿坐其父母匿子夫匿妻大父母匿孫罪殊死皆上請廷尉

已聞

漢書宣紀

誅霍禹等詔

地節四年七月



迺者東織室令張赦使魏郡豪李竟報冠陽侯霍雲謀爲大逆朕  
已大將軍故抑而不揚冀其自新今大司馬博陸侯禹與母宣成  
侯夫人顯及從昆弟冠陽侯雲樂平侯山諸姊妹壻度遼將軍范  
明友長信少府鄧廣漢中郎將任勝騎都尉趙平長安男子馮殷  
等謀爲大逆顯前又使女侍醫淳于衍進藥殺共哀后謀毒太子  
欲危宗廟逆亂不道咸服其辜諸爲霍氏所誣誤未發覺在吏者  
皆赦除之

漢書  
宣紀

迺者東織室令史張赦使魏郡豪李竟報冠陽侯雲謀爲大逆朕  
已大將軍故抑而不揚冀其自新今大司馬博陸侯禹與母宣成  
侯夫人顯及從昆弟子冠陽侯雲樂平侯山諸姊妹壻謀爲大逆  
欲誣誤百姓賴祖宗神靈先發得咸伏其辜朕甚悼之諸爲霍氏  
所誣誤事在丙申前未發覺在吏者皆赦除之男子張章先發覺  
已語期門董忠忠告左曹楊惲惲告侍中金安上惲召見對狀後

章上書已聞侍中史高與金安上建發其事言無入霍氏禁閤卒

不得遂其謀皆讎有功封章爲博成侯忠高昌侯暉平通侯安上

都成侯高樂陵侯

漢書霍光傳案此與宣紀所載互有詳略故並錄之

減鹽賈詔

地節四年九月

朕惟百姓失職不贍遣使者循行郡國問民所疾苦吏或營私煩

擾不顧厥咎朕甚閔之今年郡國頗被水災已振貸鹽民之食而

賈咸貴眾庶重困其減天下鹽賈

漢書宣紀

歲上繫囚詔

地節四年九月

令甲死者不可生刑者不可息此先帝之所重而吏未稱今繫者

或已掠辜若飢寒瘐死獄中何用心逆人道也朕甚痛之其令郡

國歲上繫囚已掠答若瘐死者所坐名縣爵里丞相御史課殿最

已聞

漢書宣紀

賜進士出身三品銜廣東等處提刑按察使司按察使兼管驛傳事務黃岡王毓藻校

全漢文卷五終

全漢文卷六

烏程嚴可均校輯

宣帝二

鳳皇集甘露降詔

元康元年三月

迺者鳳皇集泰山陳畱甘露降未央宮朕未能章先帝休烈協盥  
百姓承天順地調序四時獲蒙嘉瑞賜茲祉福夙夜兢兢靡有驕  
色內省匪解永惟罔極書不云乎鳳皇來儀庶尹允諧其赦天下  
徒賜勤事吏中二千石以下至六百石爵自中郎吏至五大夫佐  
史已上二級民一級女子百戶牛酒加賜鰥寡孤獨三老孝弟力  
田帛所振貸勿收

漢書宣紀

博舉詔

元康元年八月

朕不明六藝鬱于大道是日陰陽風雨未時其博舉吏民厥身修  
正通文學明於先王之術宣究其意者各二人中二千石各一人

漢書  
宣紀

赦詔 元康二年正月

書云文王作罰刑茲無赦今吏修身奉法未有能稱朕意朕甚愍焉其赦天下與士大夫厲精更始

漢書宣紀

平法詔 元康二年五月

獄者萬民之命所已禁暴止邪養育羣生也能使生者不怨死者不恨則可謂文吏矣今則不然用法或持巧心析律貳端深淺不平增辭飾非已成其罪奏不如實上亦亡繇知此朕之不明吏之不稱四方黎民將何仰哉二千石各察官屬勿用此人吏務平法或擅興繇役飾廚傳稱過使客越職踰法已取名譽譬猶踐薄冰已待白日豈不殆哉今天下頗被疾疫之災朕甚愍之其令郡國被災甚者毋出今年租賦

漢書宣紀

更諱詔 元康二年五月

聞古天子之名難知而易諱也今百姓多上書觸諱曰犯罪者朕甚憐之其更諱詢諸觸諱在今前者赦之

漢書宣紀又冊府元龜三

為張賀置守冢詔

元康二年

其為故掖庭令張賀置守冢三十家

漢書張安世傳

曰張敞守京兆尹詔

制詔御史其曰膠東相敞守京兆尹

漢書張敞傳

封昌邑王賀為海昏侯詔

元康三年三月

蓋聞象有罪舜封之骨肉之親絜而不殊其封故昌邑王賀為海

昏侯

漢書宣紀

封丙吉等詔

元康三年三月

朕微眇時御史大夫丙吉中郎將史曾史玄長樂衛尉許舜侍中光祿大夫許延壽皆與朕有舊恩及故掖庭令張賀輔導朕躬修文學經術恩惠卓異厥功茂焉詩不云乎無德不報封賀所子弟

子侍中、中郎將彭祖

張安世傳作詩云無言不讎無德不報其封賀子侍中關内侯彭祖

爲陽都侯

追賜賀諡曰陽都哀侯吉曾玄舜延壽皆爲列侯故人下至郡邸

獄復作嘗有阿保之功皆受官祿田宅財物各曰恩深淺報之

漢書

宣紀又見張安世傳有刪節

禁春夏彈射詔

元康三年六月

前年夏神爵集雍今春五色鳥曰萬數飛過屬縣翱翔而舞欲集

未下其令三輔毋得已春夏摘集探卵彈射飛鳥具爲令

漢書宣紀

耆老勿坐罪詔

元康四年正月

朕惟耆老之人髮齒墮落血氣衰微亦亡暴虐之心今或羅文法

拘執囹圄不終天命朕甚憐之自今已來諸年八十以上非誣告

殺傷人佗皆勿坐

漢書宣紀

朕念夫耆老之人髮齒墮落血氣既衰亦無暴逆之心今或羅于

文法執于囹圄不得終其年命朕甚憐之自今已來諸年八十非

誣告殺傷人它皆勿坐

漢書刑法志與宣紀所載小異今並錄之

神爵集宮苑詔

元康四年三月

迺者神爵五采已萬數集長樂未央北宮高寢甘泉泰畤殿中及上林苑朕之不逮寡于德厚屢獲嘉祥非朕之任其賜天下吏爵二級民一級女子百戶牛酒加賜三老孝弟力田帛人二匹鰥寡孤獨各一匹

漢書宣紀

賜尹翁歸子黃金詔

元康四年八月

制詔御史朕夙興夜寐曰求賢爲右不異親疏近遠務在安民而已扶風翁歸廉平鄉正治民異等早夭不遂不得終其功業朕甚憐之其賜翁歸子黃金百斤曰奉其祭祠

漢書尹翁歸傳

躬親郊祀詔

元康四年

蓋聞天子尊事天地修祀山川古今通禮也間者上帝之祠闕而不親十有餘年朕甚懼焉朕親飭躬齋戒親奉祀爲百姓蒙嘉氣



獲豐年焉

漢書郊祀志下十二年乃下詔

詔黃霸爲潁川太守詔

制詔御史其詔賢良高第揚州刺史霸爲潁川太守秩比二千石居官賜車蓋特高一丈別駕主簿車緹油屏泥于軾前詔章有德

漢書循吏黃霸傳

改元神爵詔

神爵元年三月

朕承宗廟戰戰栗栗惟萬事統未燭厥理迺元康四年嘉穀玄稷降于郡國神爵仍集金芝九莖產于函德殿銅池中九真獻奇獸南郡獲白虎威鳳爲寶朕之不明震于珍物飭躬齋精祈爲百姓東濟大河天氣清靜神魚舞河幸萬歲宮神爵翔集朕之不德懼不能任其詔五年爲神爵元年賜天下勤事吏爵二級民一級女子百戶牛酒鰥寡孤獨高年帛所振貸物勿收行所過毋出田租

漢書宣紀

祠江海詔

神爵元年三月

制詔太常夫江海百川之大者也今闕焉無祠其令祠官以禮爲

歲事以四時祠江海雒水祈爲天下豐年焉

漢書郊祀志下

止諸侯王入朝詔

神爵元年六月

軍旅暴露轉輸煩勞其令諸侯王列侯蠻夷王侯君長當朝二年

者皆毋朝

漢書宣紀

賜朱邑子黃金詔

神爵元年秋

大司農邑廉潔守節退食自公亡疆外之交束脩之餽可謂淑人

君子遭離凶災朕甚閔之其賜邑子黃金百斤以奉祠祭祀

漢書循吏

朱邑傳天子閔惜下詔稱揚

赦詔

神爵二年二月

迺者正月乙丑鳳皇甘露降集京師羣鳥從以萬數朕之不德屢

獲天福祇事不怠其赦天下

漢書宣紀

封鄭吉爲安遠侯詔

神爵二年

都護西域騎都尉鄭吉，拊循外蠻，宣明威信，迎匈奴單于，從兄日逐王眾，擊破車師，兜訾城，功效茂著，其封吉爲安遠侯，食邑千戶。

漢書鄭吉傳又見御覽二百引會稽典錄

益吏奉詔

神爵三年八月

吏不廉平，則治道衰。今小吏皆勤事而奉祿薄，欲其毋侵漁百姓，

難矣。其益吏百石，已下奉十五。

漢書宣紀

赦詔

神爵四年二月

迺者鳳皇甘露降集京師，嘉瑞並見，修興泰一五帝后土之祠，祈爲百姓蒙祉福，鸞鳳萬舉，蜚覽翱翔，集止于廟，齋戒之暮，神光顯著，薦鬯之夕，神光交錯，或降于天，或登于地，或從四方來集于壇，上帝嘉聞，海內承福，其赦天下，賜民爵一級，女子百戶，牛酒鰥寡

孤獨高年帛

漢書宣紀

賜黃霸爵秩詔神爵四年四月

潁川太守霸宣布詔令百姓鄉化孝子弟貞婦順孫日已眾多  
曰者讓畔道不拾遺養視鰥寡瞻助貧窮獄或八年亡重罪囚吏  
民鄉于教化興于行誼可謂賢人君子矣書不云乎股肱良哉其  
賜爵關內侯黃金百斤秩中二千石而潁川孝弟有行義民三老  
力田皆已差賜爵及帛漢書循吏黃霸傳天子已  
霸治行終長者下詔稱揚  
嫁娶不禁具酒食詔五鳳二年八月

夫婚姻之禮人倫之大者也酒食之會所已行禮樂也今郡國二  
千石或擅為苛禁禁民嫁娶不得具酒食相賀召絲是廢鄉黨之  
禮令民亡所樂非所已導民也詩不云乎民之失德乾餱已愆勿  
行苛政漢書宣紀

匈奴來降赦詔五鳳三年三月

往者匈奴數為邊寇百姓被其害朕承至尊未能綏安匈奴虛聞

權渠單于請求和親病死右賢王屠耆堂代立骨肉大臣立虛閭  
權渠單于子爲呼韓邪單于擊殺屠耆堂諸王竝自立分爲五單  
于更相攻擊死者已萬數畜產大耗什八九人民飢餓相燔燒已  
求食因大乖亂單于闕氏子孫昆弟及呼遼累單于名王右伊秩  
訾且渠當戶已下將眾五萬餘人來降歸義單于稱臣使弟奉珍  
朝賀正月北邊晏然靡有兵革之事朕飭躬齋戒郊上帝祠后土  
神光竝見或興于谷燭耀齊宮十有餘刻甘露降神爵集已詔有  
司告祠上帝宗廟三月辛丑鸞鳳又集長樂宮東闕中樹上飛下  
止地文章五色畱十餘刻吏民竝觀朕之不敏懼不能任婁蒙嘉  
瑞獲茲祉福書不云乎雖休勿休祇事不息公卿大夫其勛焉減  
天下口錢赦殊死已下賜民爵一級女子百戶牛酒大酺五日加  
賜鰥寡孤獨高年帛

漢書宣紀

日食詔

五鳳四年四月

皇天見異，曰：「戒朕躬，是朕之不逮，吏之不稱也。」曰：「前使使者問民所疾苦，復遣丞相御史掾一十四人，循行天下，舉冤獄，察擅為苛禁，深刻不改者。」漢書宣紀

詔免丙顯官。甘露元年

故丞相吉有舊恩，朕不忍絕，免顯官，奪四百戶。漢書丙吉傳：吉子顯為太僕，減千餘

萬司隸校尉昌奏請逮捕上曰云云

赦詔。甘露二年正月

迺者鳳皇甘露降集，黃龍登興，醴泉滂流，枯槁榮茂，神光竝見，咸受禎祥。其赦天下，減民算三十，賜諸侯王丞相將軍列侯中二千石金錢各有差，賜民爵一級，女子百戶牛酒，鰥寡孤獨高年帛。漢書宣紀

己客禮待單于詔。甘露二年十二月

蓋聞五帝三王教化所不施，不及己政。今匈奴單于稱北蕃，朝正

朔朕之不逮德不能弘覆其已客禮待之令單于位在諸侯王上

贊謁稱臣而不名

漢書蕭望之傳又見宣紀有刪節

鳳皇集詔

五鳳三年二月

迺者鳳皇集新蔡羣鳥四面行列皆鄉鳳皇立曰萬數其賜汝南太守帛百匹新蔡長吏三老孝弟力田鰥寡孤獨各有差賜民爵

二級毋出今年租

漢書宣紀

察計簿詔

黃龍元年二月

蓋聞上古之治君臣同心舉措曲直各得其所是已上下和洽海內康平其德弗可及已朕既不明數申詔公卿大夫務行寬大順民所疾苦將欲配三王之隆明先帝之德也今吏或曰不禁姦邪爲寬大縱釋有罪爲不計或曰酷惡爲賢皆失其中奉詔宣化如此豈不繆哉方今天下少事繇役省減兵革不動而民多貧盜賊不止其咎安在上計簿具文而已務爲欺謾已避其課三公不已

爲意朕將何任諸請詔省卒徒自給者皆止御史察計簿疑非實者按之使眞僞母相亂

漢書宣紀

母得舉六百石爲廉吏詔

黃龍元年四月

舉廉吏誠欲得其眞也吏六百石位大夫有罪先請秩祿上通足

已效其賢材自今已來母得舉

漢書宣紀

嫁母不制服詔

婦人不養舅姑不奉祭祀不下慈子是自絕也故聖人不爲制服

明子無出母之義立成議是也

通典八十九引石渠議

蔣滿父子同拜詔

上黨太守滿經行篤著信行山東其已滿爲淮陽王相誨導東蕃

弘農股肱部其已萬爲弘農太守

御覽二百六十引漢雜事

策廢霍皇后

地節四年八月

皇后熒惑失道懷不德挾毒與母博陸宣成侯夫人顯謀欲危太



子無人母之恩不宜奉宗廟衣服不可已承天命嗚呼傷哉其退  
避宮上璽綬有司漢書外  
戚傳上

策丙吉爲丞相

惟神爵三年十月甲子按宣紀是年三月丞相薨百官表四月  
甲子當丞相受詔之官皇帝延登親詔之曰君其進虛受朕言

朕鬱于大道獲保宗廟兢兢師師夙夜思過失不遑康寧晝思百  
官未能綏於戲丞相其帥意無怠已補朕闕於戲羣卿大夫百官  
慎哉不勛于職朕有常刑往悉乃心和裕開賢俾之反本又民庶  
風一俗靡諱朕躬天下之眾受制于朕丞相可不慎歟於戲君其  
誠之漢舊儀聚  
珍板本

策杜延年爲御史大夫

惟五鳳三年正月乙巳按百官表是年六月辛酉西河太守杜延  
年爲御史大夫今此作正月乙巳當有一  
御史大夫之官皇帝延登親詔之曰御史大夫其進虛受朕言

朕鬱于大道，獲保宗廟，兢兢師師，夙夜思已失，不遑康寧，晝思百姓未能綏於戲，御史大夫其帥意盡心，已補朕闕於戲，九卿羣大夫百官，慎哉，不勛于厥職，厥有常辟，往悉乃心，和裕開賢，俾賢能反本，人民靡諱，朕躬天下之眾，受制于朕，已法爲命，可不慎歟？於戲，御史大夫其誠之。

漢舊儀聚珍板本

左遷蕭望之策

五鳳中

有司奏君責使者禮遇丞相亡禮，廉聲不聞，敖慢不遜，亡已扶政師先百僚，君不深思，陷于茲穢，朕不忍致君于理，使光祿勳惲策詔左遷君爲太子太傅，授印其上，故印使者，便道之官，君其秉道明孝正直，是與帥意亡讐，靡有後言。

漢書蕭望之傳

敕邊守尉

匈奴大國多變詐，交接得其情，則卻敵折衝，應對入其數，則反爲

輕欺。

後漢南匈奴傳司徒掾班彪奏

賜陳遂璽書

制詔太原太守官尊祿厚可已償博進矣妻君寔時在旁知狀漢書

薛俠陳遵傳

賜張敞璽書 元康二年

制詔山陽太守其謹備盜賊察往來過客毋下所賜書漢書武王昌邑王傳

報丙吉 元康三年

朕之封君非空名也而君上書歸侯印是顯朕之不德也方今天下少事君其專精神省思慮近醫藥已自持漢書丙吉傳吉上書固辭不宜召空名受

賞上

報張安世 元康四年春

將軍年老被病朕甚閔之雖不能視事折衝萬里君先帝大臣明于治亂朕所不及得數問焉何感而上書歸衛將軍富平侯印漢書

朕忘故非所望也願將軍強餐食近醫藥專精神張安世曰輔天年

傳世

赦讓趙充國書神爵元年

皇帝問後將軍甚苦暴露將軍計欲至正月迺擊罕羌羌人當獲麥已遠其妻子精兵萬人欲爲酒泉敦煌寇邊兵少民守保不得田作今張掖已東粟石百餘芻橐束數十轉輸竝起百姓煩擾將軍將萬餘之眾不早及秋共水草之利爭其畜食欲至冬虜皆當畜食多藏匿山中依險阻將軍士寒手足皸痲寧有利哉將軍不念中國之費欲已歲數而勝微將軍誰不樂此者今詔破羌將軍武賢將兵六千一百人敦煌太守使將二千人長水校尉富昌酒泉侯奉世將嫪月氏兵四千人亡慮萬二千人齎三十日食已七月二十二日擊罕羌入鮮水北句廉上去酒泉八百里去將軍可千二百里將軍其引兵便道西竝進雖不相及使虜聞東方北方

兵竝來分散其心意離其黨與雖不能殄滅當有瓦解者已詔中郎將卬將胡越伏飛射士步兵二校益將軍軍兵今五星出東方中國大利蠻夷大敗太白出高用兵深入敢戰者吉弗敢戰者凶將軍急裝因天時誅不義高下必全勿復有疑

漢書趙充國傳

賜趙充國書

制詔後將軍聞苦腳脛寒泄將軍年老加疾一朝之變不可諱朕甚憂之今詔破羌將軍詣屯所爲將軍副急因天時大利吏士銳氣已十二月擊先零羌卽疾劇畱屯毋行獨遣破羌彊弩將軍

漢書

趙充國傳其秋充國病上賜書

報趙充國

皇帝問後將軍言欲罷騎兵萬人畱田卽如將軍之計虜當何時

伏誅兵當何時得決孰計其便復奏

漢書趙充國傳充國上屯田奏上報

復賜書報趙充國

皇帝問後將軍言十二便問之虜雖未伏誅兵決可期月而望期月而望者謂今冬邪謂何時也將軍獨不計虜聞兵頗罷且丁壯相聚攻擾田者及道上屯兵復殺略人民將何已止之又大开小开前言曰我告漢軍先零所在兵不往擊久留得亡效五年時不分別人而并擊我其意常恐今兵不出得亡變生與先零爲一將軍孰計復奏

漢書趙充國傳充國上狀留屯十二利上復賜報

報趙充國聽留屯

皇帝問後將軍上書言羌虜可勝之道今聽將軍將軍計善其上留屯田及當罷者人馬數將軍强食慎兵事自愛

漢書趙充國傳公卿議是充國

計者最後什人上於是報充國

諭意蕭望之

所用皆更治民已考功君前爲平原太守日淺故復試之于三輔

非有所聞也

漢書蕭望之傳望之從少府出爲左馬祖即移病上使侍中金安上諭意

使尚書召問黃霸

太尉官罷久矣丞相兼之所已偃武興文也如國家不虞邊境有事左右之臣皆將率也夫宣明教化通達幽隱使獄亡冤刑邑亡盜賊君之職也將相之官朕之任焉侍中樂陵侯高帷幄近臣朕之所自親君何越職而舉之尚書令受丞相對

漢書黃霸傳樂陵侯史高曰外屬舊

恩侍中貴重霸高可太尉天子使尚書召問霸

華山仙掌鼎文

甘露元年

萬國伏貽長久鑄神鼎承天酒

別錄

賜進士出身三品銜廣東等處提刑按察使司按察使兼管驛傳事務黃岡王毓藻校刊

全漢文卷六終